

福建通志

第叁拾冊
學校志

福建學校志卷一

福州府 書院附下同

學在府城南興賢坊舊在州西北里許唐大厯閒觀察使李椅移建於此
獨孤及有都督府儒學記常衮繼之貞元元和閒學者益盛乾寧元年觀
察使王潮於州四門置義學梁龍德元年閩王王審知置四門學以招徠
四方之秀吳越時作新宮號使學宋太平興國閒轉運使楊克讓始作孔
子廟景祐四年權州事謝微表請於廟立爲府學從之自孔子以下至十
哲塑像冕服更請制度自朝廷頒降

林希記

先是學養士歲纔十數人元豐

初增至數十元祐八年郡守王祖道復增爲齋十又於中門外之左爲小
學歲補生員五百

王祖道記

崇寧元年三舍法行始自朝廷選擇教授增養士

之額益廣爲三百五十一區有御書稽古閣二養源議道駕說堂三爲齋

二十有八後舍法罷省爲十二齋養士二百人紹聖初建先賢室祀陳襄

鄭穆劉彝周希孟陳烈五先生後益以陳祥道劉康夫鄭俠柯述與唐觀

察使常衮稱十先生後又益以王祖道紹興閒安撫使張浚乃位常公於中益以唐歐陽詹與諸賢列左右繼又益以陸祐爲十三人紹興十年帥守張浚增養士爲二百四十人乾道改元帥守王之望定三百人爲額淳熙四年帥守陳俊卿創射圃構亭曰序賓紹熙四年教授常濬孫卽舊御書閣後址修經史閣景定五年帥守王鎰構禮殿建奎文閣立戟門櫺星門爲米廩鑿泮池而橋其上立學廳元皇慶元年爲六齋各設訓導延祐四年廉訪趙宏偉拓禮殿高廣有加奉舊聖哲像於中從祀像於兩廡凡百有五戟門東爲祭器庫西爲樂器庫櫺星門東爲神廚西爲更衣亭至正十年教授陳俊更尊道堂爲明倫堂明洪武七年知府楊仕英教授徐宏構大成殿十七年知府董祥割殿後養源堂麗澤亭并杏壇地爲貢院永樂四年以學廳爲鄉賢祠成化十六年更建鄉賢祠名宦祠清康熙十一年大修廟學濬泮池上跨石橋下通三元溝潮汐出入焉道光九年復合貨郡屬增高大成殿易柱以石塞明倫堂西邊路關路於常公祠後

名宦祠在樞星門左祀宋謝泌蔡襄程師孟曾鞏孫覺柯述胡銓程邁張
守張浚汪應辰陳俊卿梁克家趙汝愚辛棄疾陳居仁蔡幼學楊長孺真
德秀魏了翁湯漢王鎔洪天錫吳革徐明叔吳潛吳淵元董文炳高興程
鉅夫藍光劉直內韓準王輝王翰李士瞻明湯和陶垕仲鄭湜楊景衡謝
肅呂升魯穆劉廣衡丁俊劉喬唐珣馬文昇游明羅倫劉子敏沈訥劉大
夏潘璜邵銳查約陳珂陳錫汪文盛吳昂魏棨葉溥歐陽鐸胡有恆劉玉
章懋朱衡江以達舒芬金賁亨宗臣殷從儉龐尙鵬何維柏商爲正林烈
許子良馮光浙陸方垓姜寶蔡國珍趙參魯高從禮汪柏韓儔劉日升許
孚遠聶豹蕭良譽范濂李雲曾守周保金學曾陳惇臨湯兆京柴祥耿定
向耿定立譚昌言項宗壽吳仕周順昌陳子貞孫大壯饒景輝王世懋何
繼高毛焯袁一驥陸卿仕沈儼煥黃臣位莊應曾杜應芳徐日久王尙學
王豫張明正徐卽登馮燧裘壤楊茂先葉龍光陸完學侯堯封王政新汪
游龍周泰峙鄒維璉馬邦良周昌儒章簡黃立言李思誠閔洪學張時德

宋堯武吳之屏胡文靜清佟國鼎陳錦陸懷玉丁文盛王原鵬福建衡佟
國器周亮工馬得功孔自洙李率泰宜永貴金光祖陳啓泰趙廷臣范承
謨郎廷相張時徹吳興祚楊鍾岳于成龍王國泰張所志張仲德董世琦
佟國瑤丁蕙高曰聰興永朝石文炳汪楫王之儀遲維城汪薇沈涵傅和
鼎金培生石曰琮李斯義張伯行黃秉中范時崇李發甲蔡祚週陳濱呂
猶龍

鄉賢祠在櫺星門右祀唐林慎思宋陳襄鄭洙鄭穆周希孟陳烈劉銑許
將孫奕林槩王回陳祥道鄭俠劉康夫劉彝林之奇張翥李芑李彌大李
彌遜黃祖舜陸祐李綱陳孔碩陳剛中朱倬黃龜年黃瑀黃幹王蘋鄭昭
先鄭湜楊宏中陳貴誼陳韓陳公益徐範趙以夫許應龍潘柄鄭性之林
用中黃洽李韶唐璘趙汝騰林希逸潘枋林存陳藻林公遇高應松朱牧
黃師雍陳暘元林泉生林興祖吳海明鄭珞林誌洪英林元美陳景著葉
福林鈍孟玘謝琚高瑤王佐吳伯章姚銑趙榮李興林迪鄭同陳鈍周傑

黃鎬林瀚王俊陳紀林泮林玳林廷玉許坦周熊宋宣翁晏林廷選
倪珏姚珏許天錫鄭伯和林廷楊馬驄鄭善夫李廷儀劉世揚廖世昭陳
達鄭漳王昺舒汀陳暹袁成能陳謹齊啓和唐震陳則清謝源林春澤陳
子文陳良鼎袁宗耀謝蕡林庭機馬森林維那世威鄭澄林舜道周亮吳
文華黃應鍾張經洪世文鄭雲臺陳璧趙善長魏長翁興賢薛夢雷清余
正健方開鐸方達陳丹赤陳暉曾大升蔡世達孟超然張甄陶謝金鑾陳
庚煥陳蘭泰林振榮

教諭宅

在泮池右訓導宅在明倫堂左

學額 廩膳生員四十名增廣生員四十名附學生員不限額歲科兩試
每次由所屬各縣撥入二十名武生歲科併試撥入二十名

學田 清順治五年派定學租一十七兩八錢康熙二十一年總督姚啓
聖捐置田五十七畝六分五十六年巡撫陳璘捐置學田一百一十四畝
九分零坐產侯官縣六都七都

駐防滿洲漢軍學額 清嘉慶四年奉行各省駐防滿洲漢軍准其取進
文生員於五年科考爲始取進二名以後歲科兩試俱以五人額進一名
十九年奉行各省滿洲漢軍准其取進武生於十九年歲考爲始取進一
十八名以後歲考俱以五人額取一名文武俱歸入府學送考

鰲峯書院在鰲峯坊九仙山麓清康熙四十六年丁亥巡撫張伯行建前
爲正誼堂後爲藏書樓置經史子集其左池週數畝構亭其上曰鑑亭書
舍共一百二十楹庖井咸具其初招延儒士日給廩餼以講明正學爲務
伯行有記五十五年巡撫陳瓚始集郡邑生徒肄業其中聘耆儒主講是
年頒三山養秀扁賜經書八部御書孝經法帖一本御書淵鑒齋法帖十
本又賜淳化閣帖十本雍正十一年賜帑銀一千兩乾隆三年賜帑銀一
千兩現生息爲諸生膏火資十一年賜律書淵源一部十五年巡撫潘思
渠葺講堂十七年巡撫陳宏謀繕學舍更六子祠爲二十三子祠初祀宋
儒游廣平胡五峯黃勉齋陳北溪明儒陳剩夫蔡虛齋爲六子又祀楊

山王信伯林少穎羅豫章李延平李西山胡文定胡籍溪胡致堂劉屏山
劉白水蔡西山蔡九峯廖槎溪真西山爲十五子又補宋李忠定明黃石
齋爲十七子後並祀於六子祠正其位次爲二十三子嘉慶二年浦城縣
職員祝乾封締封捐充長兄蔡封遺產銀五千兩租穀一千九百八十四
石四斗以充膏火道光二年巡撫葉世倬於崇德齋舊址建考棚十數楹
以課諸生陳壽祺有記

鳳池書院在鳳池里三牧坊清嘉慶二十二年建先是嵩山書院久廢省
會僅存鼇峯一書院總督汪志伊鹽法道孫爾準欲廣育才之途於是年
卜地興建命訓導劉照董其役講堂三楹十二間專爲課童子而設顏曰
聖功書院膏火未就道光元年鹽法道吳榮光因而廓之捐廉倡率始有
經費紳士公請於書院兼育生童如鼇峯於是巡撫顏檢以其地本宋相
許將所居得名易以鳳池其延師養士章程略次鼇峯二年鹽法道王楚
堂捐廉建仰止樓五楹於後以祀儒先宋陳古靈陳季慈周公闢鄭宏中

游定夫楊龜山王信伯李忠定林拙齋羅豫章李愿中李西山胡月侯胡
籍溪胡致堂胡五峯劉屏山劉白水朱元晦蔡西山蔡九峯黃勉齋陳北
溪廖子晦真西山明陳布衣蔡虛齋黃石齋並藏書籍講堂東建藤陰書
屋時劉照子舉人家鎮承遺命捐錢五千千文以充膏火五年鹽法道朱
桓請於總督趙慎畛巡撫孫爾準捐廉以充經費出講堂數武構軒總督
趙慎畛顏曰佳士軒士商輸金錢者益眾養士額倍過於前道光六年布
政使司吳榮光於左佳士軒之南爲樹人簾又增拓學舍若干楹捐置書
籍二千餘卷八年鹽法道竇欲峻捐廉以爲生童古學獎賞道光十八年
閩縣貢生何恭崇子六品銜貢生道觀州同道中儒士何恆喜子舉人則
賢恆挺子岸生軒年承先人遺意共捐紋銀八百二十兩二十年又共捐
錢三千緡充膏火增置名師祠

越山書院在越山麓舊爲綿統山堂清道光六年知府王耀辰署閩縣知
縣陸我嵩設立捐俸延師九年復倡海防同知糧捕通判閩侯兩縣捐俸

爲生徒膏火

四旗清書官學在閩縣板平巷清雍正六年設立

八旗官學八所在各協領署左右清道光二年設立

龍光書院在東大街澳橋下卽八旗總官學清道光十年鎮閩將軍薩秉阿捐俸延師改名書院

正誼書院在東街清同治三年閩浙總督左宗棠奏設課舉人貢生每月官課一課四書文試帖詩師課一二同官課寫在白摺卷上一課符賦試帖詩寫在殿試卷上首任山長爲前雲南巡撫林鴻年

致用書院初名致用堂借用西湖書院課經史每月一次清同治十年福建巡撫王凱奏設旋改名移建於烏石山南范公祠左首任山長爲戶部主事鄭世恭

共學書院在西門街北舊爲懷安縣學明洪武十二年徙治於郡城遂移今所萬曆八年縣省入侯官二十二年巡撫許孚遠改爲書院

岳和聲修重應舉有記清康熙二十四年總督王國安巡撫金鉉以舊制而新之四十一年巡撫李斯義修葺學舍延師課士後廢

古靈書院在城西南古靈溪旁宋儒陳襄讀書處後廢

拙齋書院在城西三山驛南宋林之奇與其徒呂祖謙劉世南輩從子子冲講學處後廢

勉齋書院在龍峯麓舊爲勉齋先生黃幹宅門人學士趙師恕卽其故居拓爲精舍元至正十九年建爲書院堂曰道原閣曰雲章堂後疊石爲山曰小龍峯貢師泰有記

登雲書院在登雲坊內明成化間知府唐珣建萬厯時圯

竹田書院在桂枝坊內明正德間同知葉鈇爲工部尙書林廷選建後廢
永山書院在河西尙書里明正德間提學副使楊子器姚鎮建爲兵部尙書林瀚講學處中有御書樓後廢

玉泉書院在西關外明正德十五年巡按御史沈灼毀淫祠改爲書院祀

宋丞相李綱後廢

養心書院在通津門外明正德嘉靖間巡按御史聶豹建後廢

崇正書院在神光寺東明嘉靖間督學副使姜寶建後廢

養正書院在烏石山北明嘉靖七年建後廢

三山書院在西關外西湖上宋寶祐二年提刑王泌建元致和間廉訪使易釋董阿重建明嘉靖間知府汪文盛修後廢

西湖書院在西湖濱清康熙間知府遲維城毀淫祠改建中祀朱子考志書院在法海寺旁乾隆五年巡撫王恕建後廢

道山書院在烏石山麓明隆慶五年按察使鄒善提學副使宋儀望爲邑人參政王應鍾建後廢清乾隆十七年總督喀爾吉善巡撫陳宏謀鹽法道吳天鈺諭商捐修爲鹽商子弟肄業之所後復廢

嵩山書院在城東石井巷舊書院在道山清乾隆二十二年鹽法道徐景熹改建於嵩山之麓後廢

斗南書院在南關外一里斗中街清康熙三十七年里人州同林琦建

閩縣

學在九仙山西麓唐制倚郭縣不復設學縣有學自宋慶厯始廟成於熙寧間邑令方叔完修於崇寧初邑令莊誼舍法行寓於府學後復舊元至元閒學官丁堯建禮殿元貞閒教諭韓挺特置二齋設小學而學始備大德七年縣尹吳鼎來建講堂至大三年教諭高琳手繪從祀像造祭器明洪武初立明倫堂以禮殿爲大成殿正統天順成化先後拓其址重建殿東西廡殿後爲明倫堂清順治十八年知縣周雍時移縣治於學宮學制毀廢康熙二十年知縣祖寅亮教諭顧倫贊請於上官合紳士修復雍正元年奉詔建崇聖祠於殿右九年知縣張堂教諭黃呈元等重修大成殿道光八年移崇聖祠於學西北常公祠舊址卽以崇聖祠址爲李常二公祠

名宦祠在明倫堂右祀唐李聿宋黃德裕陳麟杜杲劉燾胡巖起明魏谷

才沈鑑歐陽瀚

鄉賢祠在明倫堂右祀唐黃碣宋李樗任文薦李玘陳益林琦陳禾林夙楊肫劉彝許將林倬卓祐之朱牧明林誌林元美董應舉鄭善夫林真李時興胡上琛清龔景瀚陳壽祺林振榮

教諭宅在崇聖祠後 訓導宅在文昌閣東

學額廩膳生員二十名增廣生員二十名附學生員不限額歲科兩試每次取十五名清雍正二年奉文加增五名武生歲科併試取十五名學田原額一千八百四十八畝一分零實徵學租銀五百三十三兩二錢二分零清康熙二十一年總督姚啓聖捐置田二十六畝二分零五十六年巡撫陳瓚捐置田八十六畝一分零

義塾在縣治西府學大門右清道光五年署縣陸我嵩設立

東山義塾在遂勝里清嘉慶二十一年里人公建道光十四年里人何膺呂何則賢修祀閩先儒四十人

凌雲義塾在易俗里清乾隆五十八年里人林國通募建

振文社學在舊縣前街北 河東社學在南津坊德貴巷 晉文社學在

易俗里 昌際社學在南津坊溫泉坊內 鰲峯社學在左三坊 崇正

社學在喜壽坊 龍臺社學 長橋社學 沙合社學俱在嘉崇里 藤

山社學在時昇里以上今俱廢 螺江社學在永福里螺洲墩明初建

崇正社學在嘉崇里清康熙四十四年巡撫李斯義毀淫祠改建中祀昌

黎伯韓愈清乾隆四年改建達道鋪紫峯山麓 玉融社學在嘉崇里獨

山麓左祀朱子右爲文昌閣清乾隆十七年里人游紹安等改建 碧峯

社學在崇賢里中祀朱子後爲文昌宮清乾隆十四年里人公建

正音書院一在法海寺一在華林寺清雍正七年奉文設立

侯官縣

學在縣治東官賢坊宋慶厯閒建熙寧九年邑令方叔完建禮殿崇寧閒
舍法行寓於府學後復舊元至大二年縣尹却衍割縣東地闢兩廡創射

園於殿北創尊道堂於講堂後明宣德十年教諭羅倫拓建明倫堂正統十四年鎮守尚書薛希璉修大成殿清雍正元年奉詔建崇聖祠在廟左乾隆二年郡人何長浩捐修三十九年建常衣祠道光十年贖西牆外侵地拓之置祭器庫又劃縣署福德祠後址爲宮牆右間道十一年新建鄉賢祠

名宦祠祀宋方叔完吳評樊紀吳及蹇頊悅余克濟魏必昌明薛武嚴毅劉子敏周禧蔣穩胡節陳如綸董子行葉有聲來方煒毛協恭明陳建馮光浙清劉嘉猷王裕璜

鄉賢祠在中門左祀宋鄭洙陳襄陳烈周希孟鄭穆王回張翥陸祐林之奇潘柄陳孔碩陳韓楊宏中鄭性之徐範明葉福李興洪英姚銑周傑陳鈍黃鎬謝琚王佐林玘姚珏翁晏宋宣林璿林廷玉謝源林春澤張經夢無昭王曷周亮王應鍾馬森舒汀趙奮齊啓和翁興賢清陳丹赤曹大升謝金鑾陳蘭泰

教諭宅 訓道宅俱在縣治東

學額見閩縣

學田原額三百六十五畝九分零清康熙二十一年總督姚啓聖捐置田三十八畝六分零五十六年巡撫陳瑑捐置田六十三畝七分零坐產閩縣崇賢歸善二里

瓜山義學在府城南十二都元至正間歙人鄭潛爲泉州總管徙居於此創義學以教鄉閭子弟舊屬懷安今廢

義塾在縣學明倫堂右卽李常二公祠前堂初署縣程績金濤捐俸設立寓鄉賢祠中清道光十四年林志澄林鴻英林榮捐建二公祠遂移於此博文社學 寶文社學俱在右三坊 文林社學在閩山廟巷 應文社學在右一坊 懷西社學在保定營 懷南社學在善化坊 懷東社學在將軍山南 越峯社學在華林坊 蒙正社學在陽岐清乾隆十二年建 大湖社學清乾隆十五年縣丞洪冕率邑人陳江鼇等建 芹巖社